

JAVNO PREDUZEĆE

»Veterinarska stanica« DOO Maglaj
- Nadzorni odbor –

Broj: 2/NO-03/18

Datum: 13.04.2018. godine

OPĆINSKO VIJEĆE
M A G L A J

PREDMET: Prijedlog za odgodu organizovanja Odbora za reviziju JP Veterinarska stanica DOO Maglaj

Poštovani,

Na 8. sjednici Nadzornog odbora Javnog preduzeća „Veterinarska stanica“ DOO Maglaj održanoj dana 28.03.2018. godine razmatran je novi Statut JP Veterinarska stanica DOO Maglaj, tačnije član br 18. prema kojim je Odbor za reviziju Javnog preduzeća jedan od organa preduzeća. Uloga Odbora za reviziju prema članu 25 Statuta je sljedeća:

- Imenovanje neovisnog revizora
- Razmatranje godišnje studije rizika i plana revizije
- Osiguravanje interne kontrole preduzeća
- Podnošenje izvještaja o svom poslovanju Nadzornom odboru
- Podnošenje godišnjeg izvještaja o izvršenoj reviziji

Prema Zakonu o javnim preduzećima, koji predstavlja lex specialis za ovu vrstu organizovanja pravnog lica, a prema članu broj 5, jedan od organa javnog preduzeća je i Odbor za reviziju.

Ističemo da je Nadzorni odbor spreman da preduzme sve obaveze sa svoje strane u slučaju da Osnivač ipak odluči da je neophodno organizovati Odbor za reviziju u ovom javnom preduzeću (organizovanje javnog konkursa, prijedlog kandidata OV, nadziranje Uprave u primjeni preporuka od strane Odbora za reviziju) Međutim, uzimajući u obzir sljedeće činjenice vezane za JP Veterinarsku stanicu DOO Maglaj:

- Radi se malom preduzeću sa 4 zaposlenika i sa godišnjim prometom ispod 100.000 KM
- Svi prihodi preduzeća se usmjeravaju na nabavku baznih sredstava za rad JP, plate zaposlenika te druge troškove poslovanja, a eventualni višak prihoda će se usmjeravati na nove projekte preduzeća
- Odobrena sredstva od Osnivača se namjeravaju koristiti u svrhu administrativnih troškova koji slijede naročito u prvoj godini nakon donošenja Odluke o usklađivanju organizacije (procjena imovine, upis imovine u sudski registar, izrada pravnih akata preduzeća). Dodatni troškovi rada Odbora za reviziju bi morali ići na teret troškova odobrenih od strane Osnivača.

Nadzorni odbor je zaključio da je najbolje odgoditi obavezu organizovanja Odbora za reviziju dok se ne riješe vitalne stvari vezane za JP Veterinarska stanica DOO Maglaj.

Da bi Nadzorni odbor mogao donijeti konačnu Odluku o odgađanju organizovanja Odbora za reviziju Javnog preduzeća „Veterinarska stanica“ Maglaj, molimo Vas da u skladu sa članom 19. Statuta date svoju saglasnost za donošenje Odluke o odgodu organizovanja Odbora za reviziju JP Veterinarska stanica Maglaj.

S poštovanjem,

DOSTAVLJENO:

1. Općinsko vijeće Maglaj
2. Arhiva NO
3. Arhiva

PREDSJEDNICA NADZORNOG ODBORA

Dženana Bočić, dipl.oec



JAVNO PREDUZEĆE

»Veterinarska stanica« DOO Maglaj

- Nadzorni odbor –

Datum: 12.10.2018. godine

OPĆINSKO VIJEĆE

M A G L A J

PREDMET: Obrazloženje uz Prijedlog za odgodu organizovanja Odbora za reviziju JP Veterinarska stanica Maglaj i Prijedlog Etičkog kodeksa JP Veterinarska stanica Maglaj

Prema članu 6.(1) Zakona o javnim preduzećima, koji glasi:

„Član 6.

(1) Pored odluka utvrđenih Zakonom o privrednim društvima ("Službene novine Federacije BiH", br. 23/99, 45/00, 2/02, 6/02 i 29/03) skupština donosi odluke i o sljedećem:

- *poslovniku ili poslovnicama na prijedlog nadzornog odbora,*
- *etičkom kodeksu na prijedlog nadzornog odbora,*
- *planu poslovanja, odnosno revidiranom planu poslovanja u skladu sa članom 23. ovog Zakona.*“

na IX sjednici Nadzornog odbora JP Veterinarska stanica Maglaj usaglašen je i donešen Prijedlog Etičkog kodeksa JP Veterinarska stanica Maglaj, koji predstavlja jedan od standardnih akata javnih preduzeća, a koji uvodi osnovna načela ponašanja u javnom preduzeću.

Moli se Općinsko vijeće da usvoji predloženi Etički kodeks u skladu sa ovlastima prema navedenom članu zakona.

Prema članu 5. zakona o javnim preduzećima, koji glasi:

„Član 5.

Organi javnog preduzeća su:

- *skupština,*
- *nadzorni odbor,*
- *uprava (menadžment) , kao organi upravljanja i*
- *odbor za reviziju*“

na VIII sjednici Nadzorni odbor je razmatrao mogućnost osnivanja Odbora za reviziju u JP Veterinarska stanica Maglaj, međutim zaključeno je da je najbolje odgoditi osnivanje ovog organa, zbog razloga koji su u Prijedlogu za odgodu detaljno navedeni, kako slijedi:

- Radi se malom preduzeću sa 4 zaposlenika i sa godišnjim prometom ispod 100.000 KM
- Svi prihodi preduzeća se usmjeravaju na nabavku baznih sredstava za rad JP, plate zaposlenika te druge troškove poslovanja, a eventualni višak prihoda će se usmjeravati na nove projekte preduzeća
- Odobrena sredstva od Osnivača se namjeravaju koristiti u svrhu administrativnih troškova koji slijede naročito u prvoj godini nakon donošenja Odluke o usklađivanju organizacije (procjena imovine, upis imovine u sudski registar, izrada pravnih akata preduzeća). Dodatni troškovi rada Odbora za reviziju bi morali ići na teret troškova odobrenih od strane Osnivača.

U Prijedlogu Etičkog kodeksa se spominje da će se isti primjenjivati između ostalog i na članove Odbora za reviziju, jer smatramo da je Etički kodeks dugoročniji akt, te da bi trebao predvidjeti u budućnosti postojanje i organa Odbora za reviziju, iako se zasada predlaže odgađanje osnivanja Odbora za reviziju.

Ističemo da je Nadzorni odbor spreman da preduzme sve obaveze sa svoje strane u slučaju da Osnivač ipak odluči da je neophodno organizovati Odbor za reviziju. Međutim, obzirom da JP Veterinarska stanica rješava vitalne stvari vezano za svoje poslovanje, moli se Općinski vijeće da usvoji Prijedlog odgode.

Prilog:

- Prijedlog Etičkog kodeksa
- Prijedlog odgode organizovanja Odbora za reviziju JP Veterinarska stanica DOO Maglaj

S poštovanjem,

DOSTAVLJENO:

1. Općinsko vijeće Maglaj
2. Arhiva NO

PREDSJEDNICA NADZORNOG ODBORA

Dženana Bočić, dipl.oec

